

Sulat sa Pagkatawo
sa Metropolitan sa Singapore ug Habagatang-Sidlakang Asia SERGIY
ngadto sa Labawng talahorong mga ka-obispohan, mga kaparian,
mga monastiko ug tanang orthodox nga panon
sa Patriarchal Exarchate sa Habagatang-Sidlakang Asya

Labing tinahod nga mga ark-pastor, tanan-talahorong mga amahan,
mga hinigugmang kaigsoonan!

Niining masanagong adlaw, Ako sa kinasing kasing nagatimbaya kaninyong tanan sa kapyestahan sa Pagkatawo ni Kristo!

Karon, ang katawhan masadyaong nagakanta sa pagdayeg ngadto sa Ginoo, kinsa tungod alang sa atong kaluwasan mipaubos sa Iyang Kaugalingon, nahimong sama kanato, ug ingon nagkihiusa sa tanan niadtong kinsa nagahulat sa Iyang pag-abot. Karong kasamtangang panahon ang matuod nga pagkihiusa sa mga magtotoo ni Kristo labi pang importante sa matag-usa. Ang Ginoo nagahangyo sa Iyang Amahan ilabi na lang niining pagkihiusa, ang tibuok kapuno sa Simbahan nag-ampo niini nga mainiton, ug ang mga kasingkasing sa tanan kinsa nag-antos sa mga pagkabahin-bahin, kinsa nagahigugma sa mga kasilinganan ug kinsa nga gustong mahimong *magbubuhat sa kalinaw ug mahimong tawagong mga anak sa Dios* (Mat.5:9) naguol. Dili kini sulagma nga ang pulong kalinaw kasagaran makita sa Ebanghelyo: ang Manluluwas gibilin *Niya ang kalinaw* ngadto sa mga apostoles, Iyang gihimamat sila uban ang pangumusta, ang *kalinaw maanaa kaninyo*, human sa Pagkabanhaw – ug kini dili sa kawang lang nga kining bendisyon nagatingog sa atong Simbahan sa matag balaang serbisyo.

Unsa ang kinahanglan kanato niining kasamtangang lisod nga panahon, unsa ang ikatampo nato aron makapatukod sa kalinaw ug paghiusa? Una sa tanan, labing importante nga dili magpdala ngadto sa pagkawalay paglaom ug tipigan ang kusog ug pagtoo – ang pundasyon kung wala kini imposible gayud makatukod og kinabuhi puno sa matood nga kahulogan ug espiritohanong kalipay. Ikaduha, gikinahanglang ang pagahin sa imong panahon dili diha sa walay katapusang pagbasa ug pakigtabi sa mga balita, nga nagapagrabe sa sitwasyon, apan ngadto sa pagbisita sa templo sa Dios ug sa dili sa pagkunhod diha sa pag-ampo, magabuhat diha sa maayong pagtoo sa lugar sa serbisyo kung asa ang Ginoo nagabutang kanato. Ikatulo, kita kinahanglan magabuhat sa mga buhat sa kalooy, sa pagtratar sa atong mga silingan uban ang pasensya ug gugma, sa pagdasig sa mga nawad-an sa kadasig ug sa pagsuporta sa mga huyang, magapakita sa simpatiya, pagkamaayo ug kalumo, niining tanan nga unta ang Manluluwas kinsa mianhi sa kalibutan magahatag-kusog kanato.

Nangumusta kaninyo pag-usab ug sa usab niining fiesta sa Pagkatawo ni Kristo, ako nagahinaot kaninyong tanan sa spirituhanon ug lawasnong kusog, kalinaw ug kalipay, kadagaya ug ang manggihatagong tabang sa Maloloy-ong Ginoo, sa Kinsa ang tibuok makita ug dili makita nga kalibutan karon spiritohanong nagmaya.

**Metropolitan sa Singapore ug Habagatang-Sidlakang Asya,
Patriarkal Exarch sa Habagatang-Sidlakang Asya**